

## اتوار 25 جنوری، 2026

### مضمون۔ سچائی

سنہری متن: زبور 25 باب 4، 5 آیات

”اے خداوند! اپنیاں راہواں مینوں دکھا اپنے رستے مینوں دس۔ مینوں اپنی سچائی اُتے ٹورتے تعلیم دے۔ کیوں جے توں میرا مکتی دین والا رب ایں۔ میں سارا دن تیری اڈیک وچ ای رہناواں۔“

جوابی پڑھائی: یسوع 24 باب 2، 1، 13، 15، 17، 24 آیات

- 1۔ ایہدے بعدوں یسوع نے اسرائیل دے سارے قبیلیاں نوں سکھ وچ اکھ ٹاکیا۔
- 2۔ تد یسوع نے اوہناں لوکاں نوں اکھیا پئی خداوند اسرائیل دارب ایچ آکھدا اے پئی تہاڈے پیو دادے پرانے زمانے وچ وڈھے دریادے پار رہندے سی۔
- 13۔ تے میں تہانوں اوہ دیس جیدے وچ تسی محنت نہ کیتی تے اوہ شہر جیہڑا تسی نئیں بنایا عنایت کیتا تے تسی اوہناں وچ وسدے اوتے تسی جیسے تاکستاناں تے جیسے زیتون دے باغاں دا پھل کھاندے او جنساں نوں تسی نئیں لایا۔
- 14۔ ایس لئی تسی رب دا ڈر رکھوتے نیک نیستی تے سچائی نال اوہدی پرستش کرو۔

15- تے جے خداوند دی پرستش تہانوں بھیسڑی لگدی اے تے اج ای اوہنوں جیدی تسی پرستش کرو گے چن لوو۔ بھانویں اوہ اوہی دیوتا ہون جنہاں دی پرستش تہاڈے پیودا دے وڈھے دریادے دو جے پار کردے سی یا مورییاں دے دیوتا جنہاں دے دیس وچ تسی وس دے او۔ ہن رہتی میری تے میرے گھرانے دی گل تے اسی خداوند دی پرستش کراں گے۔

17- کیوں جے خداوند ساڈا رب اوہ ای اے جسے ساہنوں تے ساڈے پیودا دے نوں مصدر دیس یعنی غلامی دے گھر وچوں کڈھیاتے اوہ وڈھے وڈھے نشان ساڈے سامنے وکھائے تے ساریاں راہواں جنہاں اُتے اسی ٹرے تے اوہناں ساریاں قوماں دے وچالے جنہاں وچوں اسی لنگے ساہنوں محفوظ رکھیا۔

24- لوکاں نے یشوع نوں آکھیا پئی اسی خداوند اپنے رب دی پرستش کراں گے تے اوہدی گل ای مناں گے۔

درسی وعظ

بائبل وچوں

1- زبور 26 باب 1 توں 3 آیتاں

1- اے خداوند میرا انصاف کر کیوں جے میں راستی نال ٹردار ہیا واں۔ تے میں خداوند اُتے ڈانواں ڈول ہوں توں بغیر بھروسہ رکھیا اے۔

2- اے خداوند! مینوں جانچ تے آزما۔ تے میرے دل تے دماغ نوں پرکھ۔

3- کیوں جے تیری شفقت میریاں اکھیاں دے سامنے اے تے میں تیری سچائی دی راہ اُتے ٹردار ہیا واں۔

## 2- 2 سلاطین 20 باب 1 توں 6 آیتاں

- 1- اوہناں دناں وچ ای حزقیہا اجیہا بیمار پیا پئی مرن والا ہو گیا تہہ بسعیہ نبی آموس دے پتر نے اوہدے کول آکے اوہنوں آکھیا خداوند اتیخ آکھدا اے پئی توں اپنے گھر دا بند و بست کر لے کیوں جے توں مر جانویں گاتے پگن والا نسیں۔
- 2- تداوہنے اپنا مونہہ کندھ ول کر کے ایہہ دعا کیتی پئی۔
- 3- اے خداوند میں تیری منت کرداواں یاد کر پئی میں تیرے سامنے سچائی تے پورے دل نال ٹردا رہیاواں تے جو تیری نظر وچ بھلا اے اوہ ای کیتا اے تے حزقیہا پھٹ پھٹ کے رویا۔
- 4- تے اتیخ ہو پیا پئی بسعیہ نکل کے شہر دے وچکار دے حصے تیکر اڑیا وی نسیں سی پئی خداوند اکلام اوہدے اُتے اُتريا پئی۔
- 5- پرت تے میری قوم دے سردار حزقیہا نوں آکھ پئی خداوند تیرے پیو دادے دارب اتیخ آکھدا اے پئی میں تیری دعا سنی تے میں تیرے اتھر ویکھے، ویکھ میں تینوں شفا دینواں گاتے توں تیجے دن خداوند دے گھر وچ جانویں گا۔
- 6- تے میں تیری عمر پندرہ ورھے ودھادینواں گاتے میں تینوں تے ایس شہر نوں اسوردے بادشاہ دے ہتھوں بچا لواں گاتے میں اپنی خاطر تے اپنے بندے داؤد دی خاطر ایس شہر دی حمایت کراں گا۔

## 3- 3 زبور 116 باب 1، 6، 9 آیتاں

- 1- میں خداوند نال محبت رکھداواں کیوں جے اوہنے میری فریاد سنی تے میری منت سنی اے۔
- 6- خداوند سادہ لوکاں دی حفاظت کردا اے۔ میں نیواں ہو گیا سی اوہنے ای مینوں بچا لیا۔
- 7- اے میری جان فیر مطمئن ہو کیوں جے خداوند نے تیرے اُتے احسان کیتا اے۔

8- ایس لئی پئی تو میری جان نوں موت توں، میریاں اکھیاں نوں ہنجو وگاؤن توں تے میرے پیراں نوں تکلن توں بچایا اے۔

9- میں جیوندیاں دی دھرتی اُتے خداوند دے حضور ژردار ہواں گا۔

#### 4- زبور 117 باب 1، 2 آیتاں

1- اے قومو! سارے رب دی حمد کرو۔ اے امتو! سارے اوہدی ستائش کرو۔

2- کیوں بے ساڈے اُتے اوہدی بڑی شفقت اے تے خداوند دی سچائی ہمیشہ دی اے۔ خداوند دی حمد کرو۔

#### 5- یوحنا 4 باب 46 توں 53 آیتاں

46- ایس لئی اوہ فیر قانائے گلیل وچ آیا جتھے اوہنے پانی نوں مے بنایا سی تے بادشاہ دا اک ملازم سی جید اپتر کفر نجوم وچ بیمار سی۔

47- اوہ ایہہ سن کے پئی یسوع یہودیہ وچ آگیا اے اوہدے کول گیا تے اوہدے اگے منت کرن لگیا پئی چل کے میرے پتر نوں شفا دے کیوں بے اوہ مرن والا سی۔

48- یسوع نے اوہنوں آکھیا جد تیکر تسی نشان تے عجیب کم نہ ویکھ لوو بالکل ایمان نہ لیاؤو گے۔

49- بادشاہ دے ملازم نے اوہنوں آکھیا اے خداوند میرے بچے دے مرن توں پہلاں چل۔

50- یسوع نے اوہنوں آکھیا جاتیر اپتر جیوندہ اے۔ اوس بندے نے اوس گل دا یقین کیتا جیہڑی یسوع نے اوہنوں آکھی تے ٹر گیا۔

- 51- اوہ راہ وچ ای سی پئی اوہدے نوکراوہنوں ملے تے آکھن لگے پئی تیر اپتر جیوندہ اے۔
- 52- اوہنے اوہناں نوں پکھیا پئی اوہنوں کیس ویلے توں آرام ہوون لگیا سی؟ اوہناں نے اوہنوں آکھیا پئی کل ستویں گھڑی وچ اوہدی تاپ اتر گئی سی۔
- 53- ایس لئی پیونوں پتا چل گیا پئی ایہہ اوہ ای ویلہ سی جد یسوع نے اوہنوں آکھیا سی پئی تیر اپتر جیوندہ اے تے اوہ آپ تے اوہداسار اناوادہ ایمان لیا یا۔

## 6- یوحنا باب 1، 2، 28، 32 آیتاں

- 1- یسوع زیتون دے پہاڑ اُتے گیا۔
- 2- سویرے سویرے ای اوہ فیر ہیکل وچ آیا تے سارے لوکی اوہدے کول آئے تے اوہ بہہ کے اوہناں نوں تعلیم دین لگیا۔
- 28- ایس لئی یسوع نے آکھیا پئی جد تسی ابن آدم نوں اُچے پہاڑ اُتے چاڑھو گے تے جانو گے پئی میں اوہ ای واں تے اپنے ولوں کجھ نئیں کردا بلکہ جیویں پیونے مینوں سکھایا او سے طراں ایہہ گلاں آکھدا واں۔
- 29- تے جنہے مینوں گھلایا اوہ میرے نال اے۔ اوہنے مینوں کلاں نئیں چھڈیا کیوں جے میں ہمیشہ اوہ ای کم کردا واں جیہڑے اوہنوں پسند آؤندے نیں۔
- 30- جد اوہ ایہہ گلاں کر رہیا سی تے بہتیرے اوہدے اتے ایمان لیائے۔
- 31- ایس لئی یسوع نے اوہناں یہودیوں نوں آکھیا جنہاں نے اوہدے یقین کیتا سی پئی جے تسی میرے کلام اُتے قائم رہو وگے تے اصل وچ میرے چیلے ٹھہرو گے۔
- 32- تے سچائی توں واقف ہو وگے تے سچائی تہانوں آزاد کرے گی۔

## 7- رومیوں 12 باب 1 آیت

1- ایس لئی اے بھراو۔ میں رب دیاں رحمتاں یاد کرا کے تہا تھوں در خواست کرداواں پئی اپنے بدن اجیہی قربانی ہوون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ ای تہاڈی معقول عبادت اے۔

## 8- افسیوں 4 باب 17 (نہ ٹرنا)، 22 (رکھنا) توں 27، 29، 31، 32 آیتاں

17- ایس لئی میں ایہہ آکھداواں تے خداوند وچ جتاؤناواں پئی جیویں غیر قوماں اپنے بیہودہ خیالاں دے مطابق ٹردیاں نیں تسی اگے توں اوس طراں نہ ٹرنا۔

22- پئی تسی اپنے اگلے چال چلن دی پرانی انسانیت نوں لاہ دیو و جیہڑی فریب دیاں شہوتوں دے پاروں خراب ہندی جاندی اے۔

23- تے اپنی سیان دی روحانی حالت وچ نویں بن دے جاو۔

24- تے نویں انسانیت نوں پالو و جیہڑی رب دے مطابق راستبازی تے پاکیزگی وچ پیدا کیتی گئی اے۔

25- ایس لئی جھوٹ بولن چھڈ کے ہر بندہ اپنے گوانڈی نال سچ بولے کیوں جے اسی آپس وچ اک دو جے دا حصہ واں۔

26- غصہ تے کرو پر پاپ نہ کرو۔ سورج دے ڈبن تیکر تہاڈی ناراضی نہ رہوے۔

27- تے شیطان نوں موقع نہ دیو۔

29- کوئی گندی گل تہاڈے مونہوں نہ نکلے بلکہ اوہ ای نکلے جیہڑی لوڑ دے مطابق اگاں ودھن لئی چنگی ہووے تاں جو اوہنوں سنن والیاں اُتے فضل ہووے۔

31- ہر طراں دی تلخ مزاجی تے قہر تے غصہ تے شور شرابہ تے بدزبانی ہر طراں دی بدخواہی تہاڈے توں وکھ کیتیاں  
جان۔

32- تے اک دو بے اُتے مہربان تے نرم دل ہوو تے جیویں رب نے مسیح وچ تہاڈے قصور معاف کیتے نیں تسی وی  
اک دو بے دے قصور معاف کرو۔

## 9- انیسویں باب 1، 8 آیتاں

1- ایس لئی پیارے فرزندناں وانگر رب ورگے بنو۔

8- کیوں بے تسی پہلاں، ہنیر اسی پرہن خداوند دی لواو۔ ایس لئی لو دے پتر اں وانگر ٹرو۔

## سائنس تے صحت

1- 5-2:368

سائنس توں جمن والا اعتماد ایس اصلیت وچ لگیا اے پی سچائی اصلی اے تے غلطی غیر اصلی۔ غلطی سچائی دے  
سامنے ڈرپوک اے۔

2- 30-29:453

اک کر سچن سائنسدان دی دواسیان اے، اوہ الہی سچائی جیہڑی انسان نوں آزاد کردی اے۔

### 3- 13:224 (سچائی)-28

سچائی آزادی دے عنصر پیدا کردی اے۔ ایس دے جھنڈے اتے روح دا الہامی نعرہ ”غلامی تک گئی اے“ لکھیا ہونیا اے۔ رب دی قدرت قیدیاں لئی آزادی لیاؤندی اے۔ کوئی طاقت الہی محبت دا مقابلہ نہیں کر سگدی۔ اوہ کیہڑی فرض کیتی گئی طاقت اے جیہڑی اپنے آپ نوں رب دے خلاف کھڑا کردی اے؟ ایہہ کتھوں آؤندی اے؟ اوہ کیہڑی شے اے جیہڑی انسان نوں لوہے دیاں بیڑیاں دے نال پاپ، موت تے بیماری نال بنھیا رکھدی اے؟ جو کجھ وی انسان نوں غلام بناؤندا اے اوہ الہی حکمران دا مخالف اے۔ سچائی انسان نوں آزاد کردی اے۔

تسی جان دے اوہ پئی کدوں پہلی سچائی ایس دے مگر ٹرن والیاں دی وفاداری تے گھاٹے دے پاروں فتح مند ہندی اے۔ ایہہ اوہدوں ہندی اے جدوں ویلے دا احتجاج آزادی دا جھنڈا چک کے آگے ودھدا اے۔ دنیاوی قوتوں لٹن گئیاں، تے اپنے پاسباناں نوں حکم دین گئیاں پئی ایس سچائی نوں بُوہے وچوں نہ لنگن دیو و جدوں تیکر پئی ایہہ اوہناں دے نظاماں دی تائید نہ کرے؛ پر سائنس چھڑے دی نوک دی پرواہ کیتے بغیر، آگے ودھدی اے۔ ایہتھے ہمیشہ کوئی نہ کوئی ہنگامہ ہندا اے، پر سچائی دے معیار دا ایہہ اک جلسہ ہندا اے۔

### 4- 20-11:325

پولوس نوں روحانی تے بدنی طور تے انساناں اُتے سچائی دے تقاضیاں دا واضح احساس سی، جداوہنے آکھیا: ”اپنے بدن اجیہی قربانی ہوون لئی نذر کرو جیہڑی زندہ تے پاک تے رب نوں پسند ہووے۔ ایہہ ای تہاڈی معقول عبادت اے۔“ پر اوہ جیہڑا بدن دے عقیدیاں نال جمیا اے تے اوہناں دی سیوا کردا اے اوہ ایس جگ وچ ساڈے رب دیاں اسمانی اُچائیاں تیکر نہیں اُڑ سکدا۔ اوہ ویلہ آؤندا اے جد انسان داروہانی اصل، اوہ الہی سائنس جسے انسانی وجود وچ یسوع دی راہنمائی کیتی، اوہنوں سمجھیا جاوے گا تے ظاہر کیتا جاوے گا۔

سچ، جد کسے وی دور وچ بولیا جاندا اے، تے اوہ لووانگر، ”ہنیرے وچ چمکدا اے، تے ہنیرا اوہنوں قبول نہیں کردا۔“ حیاتی، مواد تے سیان دا جھوٹا فہم الہی ممکنات نوں لکاؤندا اے، تے سائنسی اظہار نوں خفیہ رکھدا اے۔

جے اسی مسیح یعنی سچائی دے مگر ٹرن دی تاہنگ رکھدے آں، تے ایہہ رب دے چنے ہوئے طریقہ کار دے مطابق ہونا چاہیدا اے۔ یسوع نے آکھیا، ”جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا۔“ اوہ جیہڑا منع تیکر اُڑے تے ہر بیماری دالہی علاج پاوے گا اوہنوں کسے ہو رراہ توں سائنس دے پہاڑ اُتے چڑھن دی کوشش نہیں کرنی چاہیدی۔ ساری فطرت انسان دے نال رب دے پیار دی تعلیم دیندی اے، پر انسان رب توں ودھ کے اوہنوں پیار نہیں کر سکدا تے روحانیت دی بجائے مادیت نوں پیار کردیاں تے اوہدے اُتے یقین کردیاں ہوئے، اپنے احساس نوں روحانی شیواں اُتے مرتب نہیں کر سکدا۔

5- 15-12:8

ایس سوال دا جواب، پئی سچائی کیہ اے، اظہار دے راہیں، بیماری تے پاپ دونواں توں شفا دے راہیں، دتا جاندا اے؛ تے ایہہ اظہار دکھاؤندا اے پئی مسیحی شفا ساریاں توں چنگی صحت دیندی تے چنگا انسان بناؤندی اے۔

## 6- 22-16:326

ڈھنگ نال حیاتی گزارن دا مقصد تے غرض ہن حاصل کیتے جاسکدے نیں۔ ایہہ فتح کیتا گیا نقطہ تسی اونج ای شروع کیتا جیویں ایہہ کرنا چاہیدا سی۔ تسی کر سچن سائنس دا عددی جدول شروع کیتا اے، تے کجھ نہیں ہووے گا سوائے ایس دے پئی غلط نیت تہاڈی ترقی وچ رکاوٹ بنے گی۔ سچے مقصد دے نال کم کرن تے دعا کرن نال تہاڈا پو تہاڈے لئی راہ کھول دیوے گا۔ ”کنسے تہانوں حق نوں من توں روک دتا؟“

## 7- 21-17:327

بدنی حساں لئی کر سچن سائنس دیاں شرطیں اٹل لگدیاں نیں؛ پر انسان ایہہ سکھن لئی جلد بازی وچ نیں پئی حیاتی رب، چنگیائی اے تے پئی بریائی اصلیت وچ انسان لئی کوئی مقام اے نہ طاقت یا الہی معیشت اے۔

## 8- 32-27:240

فہم دیاں غلطیاں نوں کالعدم کرن دی کوشش وچ کسے وی بندے نوں پورے تے انصاف دے طور تے بوہت انمول قیمت بھرنی پوے گی جد تیکر پئی ساری غلطی پورے طور تے سچائی دے بیٹھاں نہیں کردتی جاندی۔ پاپ دی مزدوری دین دے الہی طریقہ کار وچ کسے بندے دیاں گتھیاں نوں سلجھانا تے ایس تجربے نال ایہہ سکھنا شامل اے پئی فہم تے چند نوں کیویں وکھو وکھ کرنا چاہیدا اے۔

## 9- 21-17:327

ایہہ قبول کرنا پئی بیماری جیہی حالت اے جیدے اُتے رب دا کوئی اختیار نئیں، پہلاں توں ایس گل نوں فرض کرن دے اُلٹ اے پئی کئی واری قادرِ مطلق وچ کوئی طاقت نئیں ہندی۔ مسیح یا سچائی دی شریعت روح لئی ساریاں گلاں نوں ممکن بناؤندی اے؛

10- 1:182-30(توں)؛

سچائی ساری خودی وچوں غلطی نوں دور کردی اے تے کرناوی چاہیدا اے۔ سچائی اک دودھاری تلوار اے جیہڑی حفاظت تے راہنمائی کردی اے۔ سچائی سارے مہماناں نوں نوٹ کرن لئی کرو ب دی سچائی نوں سمجھ کے بوہے اُتے رکھدا اے۔ رحم تے انصاف نال روشن، سچائی دی تلوار دور دور تیکر چمکدی اے تے سچائی تے غلطی دے وچالے، مادی تے روحانی، غیر اصلی تے اصلی دے وچالے لامحدود فاصلے ول اشارہ کردی اے۔

11- 32-21:183

الہی سیان جائز طور تے انسان دی پوری فرمانبرداری، پیار تے طاقت دی مانگ کردی اے۔ ایہدے توں گھٹ وفاداری لئی کوئی تحفظ نئیں رکھے جاندے۔ سچائی دی تابعداری انسان نوں طاقت تے قوت عطا کردی اے۔ غلطی نوں حوالگی طاقت دا گھٹا پین نوں ودھا دیندی اے۔

سچائی ساریاں بدیاں تے مادیت پسنداں دیاں طریقیاں نوں اصل روحانی قانون دے نال باہر کڈھ دیندی اے، یعنی اوہ قانون جیہڑا اٹھے نوں بینائی، بولے نوں سننا، گنگے نوں آواز تے لنگڑے نوں پیر دیندا اے۔ بے کر سچن سائنس

انسانی عقیدے دی بے عزتی کر دی اے، تے اوہ روحانی فہم نوں عزت دیندی اے؛ تے بس کلی سیان ای اعزاز دا حقدار اے۔

## 12- 16-14:495

جدوں بیماری یا پاپ دا بھرم تہانوں آزماؤندا اے تے رب تے اوہدے خیال دے نال مضبوطی نال جڑے رہو۔  
اوہدے مزاج توں علاوہ کسے شے نوں تہاڈے خیال وچ قائم ہوون دی اجازت نہ دیو۔

## 13- 418:5-11، 20-25، 27(ذات)-32

اوس غلطی دے خلاف ہستی دی سچائی اُتے قائم رہو پئی حیاتی، مواد یا ذہانت مادے وچ ہو سکدے نیں۔ سچائی دے خالص یقین تے الہی سائنس دے نہ بدلن والے، بے خطا تے یقینی اثر والے واضح نظریے دے نال منت کرو۔ تہاڈی ایمانداری تہاڈی منت دی سچائی دے ادھ برابر وی ہووے تے تسی بیمار نوں ٹھیک کر سکو گے۔

سچائی اثباتی اے تے ہم آہنگی دیندی اے۔ ساری مابعد الطبعیاتی منطق سچائی دے ایس سادہ اصول توں متاثر ہندی اے، جیہڑا پوری اصلیت اُتے حکمرانی کردا اے۔ سچیاں دلیلاں جیہڑیاں تسی ورت دے او اوہناں دے راہیں، تے خاص طور تے سچائی تے پیار دی روح دے راہیں جنہوں تسی من دے، تسی بیمار نوں شفا دیو گے۔

غلطی نوں تباہ کرن دیاں تہاڈیاں کوششاں وچ اخلاقی تے یہمدے نال نال بدنی عقیدے نوں وی شامل کر لو۔ بدی دے سارے طریقے باہر کڈھ دیو۔ ”پوری خلقت دے سامنے انجیل دی منادی کرو۔“ غلطی دی ہر شکل دے نال



## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“، الہی سچائی، حیاتی تے پیاری سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیاری حکومت کرداے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکنانوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔